FELZINS, notaire de Mirepoix, Mirepoix-sur-Tarn, minutes 1636, f° 585 & ss., Archives départementales de la Haute-Garonne, cote 3 E 26022, PH, PH/MC/COM20191006.

*(...)* 

Testement de bernarde plasse

Au nom de dieu soict amen que ce jourd() huy septiesme de septambre mil six cens trente six au lieu de mirepoix visconte de villemur dioceze de montauban et seneschaucee de tholoze apres midy regnant nostre souverain prince louis par la grace de dieu roy de france et de navarre devant moy nottere royal dudict lieu presant les tesmoingz soubz nommes constituee en personne bernarde plasse vefve de f(e)u bernard rozet laquelle estant dans la mayson de andre et j(e)an rozetz leostu[ fraires costuriers habitans dudict

.....

mirepoix | malade [ assize sur un [...] trois piedz malade de certaine maladie corporelle toutesfois saine de son bon sens & entendement considerant la mort estre certayne a() tous et l() heure et jour d() icelle incertayne laquelle de son bon gred pour obier que apres son deces ne soict esmu proces entre ses enfans ny au(tr)es ses parans pour rayson des biens que luy apartienent a volleu fere son dernier et valable testement en la forme & maniere que s ansuit apres c() estre munie du signe de la saincte croix en profferant les parolles acostumees et apres a recomande son ame a dieu le pere tout puissant & a la sacree vierge marie sa mere et a() toutz les sainctz et sainctes de paradis les priant voulloir interceder pour elle envers nostre seigneur jesus christ affin qu()il luy playse lhors que son ame sera separee de son corps qu()il luy playse la voulloir resepvoir en paradis et que sondict corps soict ensepvelly dans le simentiere parochiel /de( )l( )eglize/ sainct pierre de lauzat dudict mirepoix et au tumbeau ou est ensepvely sondict f(e)u mary et que les honneurs luy soinct faictz tant de sa sepelture noubene

.....

que bout de an suivant et conformement au testement et volonte de sondict f(e)u mary / legue et donne

ladicte bernarde plasse testatrix pour tout droict part et portion de son hereditte a martyne janne et francoyse rozettes ses filhes legitimes et naturelles et dudict f(e)u rozet sondict mary pour tout droict par(t) et portion de son hereditte a une chasqune la somme de vingt soulz t(ournoi)z lesquelz vingt soulz seront employes par ses heretiers bas nommes a l() achapt de quatre pams toille pour chascune pour porter le duel (lire : deuil) pandant une annee tant s(e)ullement pour ladicte testatrix item legue et donne ladicte testatrix a antoinette borgarelle filhe a feu anne rozette filhe de ladicte testatrix et dudict f(e)u rozet sondict mary au(tr)es vingt soulz pour estre aussy employes a()l()achapt d()autres quatre pams toille pour luy aporter le duel le long de l() année et avec ce les a() faictes ses heretieres particulieres et que ne puissent au(tr)e choze demander a ses heretiers bas nommes en quelque forme et maniere que c soict sy a( )dict et declare ladicte testatrix et /sondict f(e)u mary/ avoir mariee bertrande rozete sadicte filhe et dudict feu rozet avec guilhem ginestet pour lhors habitant de bazus laquelle est dessedee long tamps y a la

.....

constitution de l(e)urd(its) pactes de [mariage ...] a este payee aulx heretiers de laqu[elle ...] rozette l(e)ur legue pour tout droit par(t) [...] portion de son hereditte la somme de cinq so[lz] t(ournoi)z tant s(e)ullement et avec ce les a faictz ses heretiers universelz (sic.) et particuliers et que ne puissent au(tr)e choze jamais demander a ses heretiers bas nommes en quelque forme et maniere que ce soict atandu que c( )est sa vollonte et dispozition derniere et a()toutz ses au(tr)esparans alies ou au(tr)ement quy pretendroict droict sur ses biens ou hereditte leur legue tant s(e)ullement la somme de cinq soulz t(ournoi)z avec lesquelz les faict ses heretiers particuliers payables dans l() an apres son desses sy legue ladicte testatrix audict andre et j(e)an rozetz ses filz legitimes et naturelz et dudict f(e)u bernard rozet sondict mary en consideration des bons services qu()elle a recus et resoict iournellement et espere resepvoir a l'advenir toutz et chascunes ses robes et au(tr)es vestemens et joyeulx qu()elle a a()presant pour d iceulx entre lesdictz andre et j(e)an rozetz sesdictz filz en jouir et dispozer a |ses| leurs playsirs et volantes tant en la vie que en la mort et par ce que le chef et fondement de tout bon

.....

sans laquelle clauze toutz testemens sont dictz nulz et de nulle efficasse et valleur a ceste cauze ladite testatrix veult que en tout le reste de ses biens meubles et immeubles presans et advenir ou qu()ilz soinct assis et que luy apartienent en quelque forme que ce soict a faictz ses heretiers universelz et generalz scavoir est metre francois rozet nottaire royal de lairac et /led(it)/ andre et j(e)an rozetz freres ses filz legitimes et naturelz et dud(it) f(e)u bernard rozet sondict mary pour estre sesdictz biens divizes en trois partz entre eulx la somme de soixante livres de son adot et autre somme de soixante livres t(ournoi)z que sondict f(e)u mary luy auroict leguee et donnee pour en dispozer a ses vollantes par son dernier testement reteneu par feu m(aîtr)e j(e)an borgarel nottaire quand vivoict dudict mirepoix les an et jour en icelluy contenus desquelles susdictes sommes de soixante livres chesqune veult et antand que soinct divizes en trois partz par lesdictz m(aîtr)e francois andre et i(e)an rozetz fraires sesdictz filz et dudict feu rozet sondict mary et ce apres le desces de

.....

## [58]7

ladicte testatrix et cesluy a [...] son dernier testement et vollante dern[iere cassant] et annullant toutz au(tr)es testements codic[iles] et donations faictz par sy devant [...] a cauze de mort ausquelz veult qu()il n()y soict heu auleun esgard fors au presant que veult que vailhe par droict de testement codissil ou donnation et au(tr)ement en la meilheure forme que valloir pourra com(m)e estant ce sa vollante derniere sy auroiet en payant les susdictz legatz par sesdictz heretiers sus nommes par esgalles portions entre tous trois et du tout auroict requis les tesmoingz bas nommes estre memoratifz de sondit testement luy en pourter tesmoniage de veritte et a( )moy dict nottaire luy en retenir acte pour servir insin qu()il apartiendra ce qu()ay faict et recitte en presances de metres antoyne de benac docteur en saincte teolegie prestre et archiprestre

de roquemaure j(e)an bories prestre et recteur de lairac visconte dud(it) villemur noble antoyne ciprien de clairac sieur et baron de roque seriere conseigneur directe dudict mirepoix andre rozet praticien filz d antoyne j(e)an borgarel maffre consul dudict lieu j(e)an antoyne darnes charron anthoyne thomas

.....

[cor]donier les toutz habitans dudict lairac et bessieres soubz signes lesdictz de bennac bories de clarac et rozet et ladicte testatrix ont dict ne sc[avoir] escripre et de moy

J. Bories

A. Debenac

Roquessirier[e]

Rozet, presant

Felzins, nottere